



So495

# KBCI/Thuso

Regd.No.19134/88  
<http://www.kbc.org.in>  
NAI/220/99  
No-G-4/Regd.Magazine  
/KBCThuso/MNP-81

Kum 57 Ihinna

Lhajang/August 2020



# DAMTHEINA KHOKHSAH

AUGUST LHA THUPI



## SEPTEMBER EVENTS

Christain Education Nikho - 06  
Lom Resource dia Taona Nikho - 20  
Workers Retreat - 22-25

"Kapa theng, eini pumkhat lhi bang a amaho jong  
pumkhat ahitheina ding un, Nangman amahohi hong in"

John. 17:11





**KBC Development Section makaina noi  
Lockdown toh kilhon in Senitizer leh mask hopdohna ana um in ahi.**



**KBC pumpi a Sum chedan vettohna ana  
um jouvin Ahinkisah lalpi ho jousen Office mun ah ankong  
sokhomna ana um in ahi**



**Boina tampi umjongleh Pathen heng ah Anthah Ihun  
Maicham mun phabep a ana che lha in ahi**

# CONTENTS

THUMAKAI HO

Christian Education/ <i>Editorial</i>	2
Class XII chai hodia Thupeh Geit/ <i>Thangkhochon Haokip,</i>	4
CHRISTIAN EDUCATIONAL SUNDAY/ <i>Rev. Dr. Thongkhosei Haokip</i>	7
Mission Column	10
Men Column	12
Women Column	13
Development Column	16
STS Column	18
Music Column	23
Office Diary	24
Reports	25
Hetna Belap	27

## EDITORIAL BOARD

<i>Chairman</i>	: <i>Rev. Tonglet Haokip, President KBC</i>
<i>Editor</i>	: <i>Dr. M. Thongkhosei Haokip, General Secretary</i>
<i>Joint Editor</i>	: <i>Rev. Onkho Haokip</i>
<i>Contributing Editors</i>	: <i>1. Rev. Thongkholun Touthang</i> <i>2. Rev. Lamkeng Lhouvum</i> <i>3. Rev. Tongmang Haokip</i> <i>4. Pi Lhingbem Haokip</i> <i>5. Rev. Lunkhosei Tuboi</i> <i>6. Rev. T. Thangkhoesei Haokip</i>
<i>Design &amp; Layout</i>	– <i>Pu S. Lenboi Haokip</i>
<i>Circular Manager</i>	– <i>Pi Vahboi Baite</i>
<i>Recorder</i>	– <i>Ms. Nemhoichong Haokip</i>

## THUSO LAHMAN

Church/Organisation/ Department .....Rs. 300/-  
Individual ..... Rs. 200/- (Post a Rs. 250/-)

Indian Overseas Bank, Imphal Branch  
A/c No. 073201000000350 IFSC No. IOBA0000732

The General Secretary,  
Kuki Baptist Convention,  
Opp. DM College, Imphal 795001, Manipur  
email: kbcindia@rediffmail.com

Advertisement bolnom hon Mobile No. 70895979446 Contact thei.  
Circulation to kisai lam Mobile No. 9862107393 bol ding.



## Christian Education

Editorial

John 14:15


**“Pakai gin kitih hetna bulpi kipatna ahin, mingol hon vang chihna le hilchahna asang pouve” Prov.1:7**

**“Nakihil chahna chu lhaso louvin tuhchah jingin, kihilna chu chingphan, hichu nahinna ahibouve” Prov. 4:13.**

### **Thumakai:**

*Amasatah in muntina um Kuki Christian chate jouse ahideh a KBC member ho jouse chung a iPakaiyu Jesu Christa minin salaam kahin pech uve. Tulha thupi chu Christian Education ahi toh kilhonin, hiche thudol ah itih a hoilaiya hung kipan ding ham tichomcha ana kihoulim u hite.*

*Kihilna/Kihil chahna kiti hi koi society hijong le apoimo lheh jenge. Hiche pang louvin koima ache dih thei poi. Society/Gam khangtou kiti hi kihilchahna phatah a umna le kithu ngaina umnaho kiseina ahi. Christian hung hitheina ding le lolhing tah/altah hinkho man na dinga jong Pathen thua kihilchahna angaiye. Bible sim jinga taojing jen-*



*ga, Bible a kona amudoh thilphabol – mi kithopi, meithai-chaga khotona, hopsom-maicham le adang thanom tah le kitahtah a tona, chule adang dang ho gel le toh ho chu Christian khat chu pilhing so ahiye.*

*Tulaiyin Covid-19 jeh in vannoiya thina le manna, kichat tijatna ahin lhut tan, government jousen jong ajochanuva iti suhtang ding ham ti agelun ahi. Hichena dinga Standard Operating Procedure (SOP) ti dan phabep aphong lhauvin, hiche ho chu mipi'n ajuj cheh dinguva agel u ahi. Hiche ho chu – Mipi kikhopna lah a chilset/khatcho set lou ding, mipi apunpuna kikhopna bol lou va khat le khat kigamlat ding (Social distancing), polama ipot teng maitom/Muhtom bolcheh ding (wearing a mask), Kuva khaini, gutka le adang dang mipi lah a lhaisena setlha lou ding, khut ilhun/ikon seh a sop a sanitizer nu jing ding, khut le khut kichibaito lou ding, midangtoh kinai behseh a toukhom/dinkom lou ding tiho le adang dang ahiuve.*

*Hicheho hi nitin hinkhoa damtheina le hinsot na dinga themjilna jat khat ahin, ajuj ajuj lou eima chungu kingam ahi. Ajujho hi ichan ham khat a natna le adang danga kona hoibitna amu ding, thunung louva juilou ho chu tulai nat hihen natna dang dang hijong le akilah baiya, damsotna anei lou maithei ahiye. Thungai jeh a damtheina le hinkho sotna ikilhen cheh ding u hi iki het-sahnau le ikitiemnuu jong ahi.*

*Lungluttah a sim jouse chungu Pathen vangpeh chang taken.*

# Class XII chai hodia Thupeh Geit

~Thangkhochon Haokip, MPS

## ARTICLE

*Class XII result zong phondoh ahikit tai. Akinepna banga hungsoh um in tin, agel toh banglou zong um inte. Lolhinna nei zouse ikipapi uvin, losam khaho zong lunglhalou din itilkhon nom uve. Alolhing zouse dia maban ding chu aban simbe ding hi ahijeng in, college admission nahin kibol uva aban nahin simbe tengu leh nachepi diuva pha thupeh phabep kahin tahlang nom e.*

**1. Choice of subject:** Na thanopna subject kilhen in. Mi hasei man in mohlah jeng hih in. Lahding pen nahet vahlou leh senior ho kidoh in, ahilouleh subject ni le thum vetkah in lang alekhabu sim patep in, na lunglut/hetthei hinam velha in. Graduation a nalah subject hin nahinkho asem ding ahijeh in nadei nalhenkhah ngai ahi. Civil services bolding lungtup nanei leh optional subject a nahin kilah thei subject kilhen in. Alhangpi in CS bolna din Sociology, Psychology, Political Science, Public Administration,

History, Geography tiho hi akihalah e. CS lunggul behlou nahi leh mi halah behlou subject tichu Statistics, Economics, Chartered Accountancy, Law, Social Work, adg.ho lah aphai, ajehchu natoh nahin hol tengleh ala lhom lah a chu competition niem ahin, natoh amubai jie. Science lunglutmi nahi levang science subject lah a nadeipen khat kilhen jeng in, ahoichom/ahoimoichom aumpoi.

**2. Start early:** Admission na kibol chaichai a pat lekhabu kihol pan in lang, asimsa na senior koikoi um em kimupi in lang

lekhabu/study materials/notes ho kikhop pan in. Class akipat a pat phaten kaipan in lang, class a kihil chu anikho mama in revise in lang hetchen paipai ding go in. Assignment/presentation jouse aphatchan kibol in lang, notes kistem in, study material kikholtup in. Chutileh kumlhun leh exam kon a study material hol a nalhailele tahlou ding, revision le writing practice bou nabol ding hahsa loubeh a exam napeh ding ahitai.

**3. Digest your subject:** Subject na lahlah chu phaten sim in lang hetchen teiding go in. Na hetchen louleh ojaho kidoh in. Ojaho hi chapangho hildia lo kistempeh ahiuve, kiphalam hih in. Conceptual clarity ngai ahi. Na hetchen louleh naboi ding ahi. Nungleh UPSC/MPSC civil services hinbol lechun na subject chu optional a nahin lahnom ding ahin, graduation sunga kum thum phatea nasim a na hetchil a ahileh nasatah a nalampi hungvang ding ahi. Chuleh interview tengleh graduation a nanalah subject zong hung kidong nom ahijeh in phatea na hetchil leh boina na tolhom ding ahi.

**4. Outside syllabus:** Competitive exam bol a service jihdoh ding lungtup nei atamjo ihu ahin, graduation sim sung hi kigotna dia phat hoitah ahi. Na textbook/syllabus chungchon a

nasim teitei ngai chu ahileh, national daily newspaper khatbeh, monthly competitive magazine khatbeh, motivational/self-help books, chuleh magazine a hung kisoji solved questions ho khu veji lechun competitive exam patterns nahet ding, itobang ipiho khu iti kidohji ham ti idea nanei ding ahi. Chuleh basic grammar le mathematics (Class X chan) lekhabu thahvet kit in lang hilechun graduation nachai tengleh competitive exam a dia tamtah kigong chaisa nana hiding ahitai

**5. Reading, thinking and writing:** Lekha hasim in, tamsim in, na simdohho chu ijat na melchih zou em gel in lang, chuteng jihdoh kit in. Lekhajih kiha themchuh angai in, writing skill nei angai e. Hichena dia apoimopen chu kithemchuh hi ahi. English a lekhajih hatah in kithemchuh in. Diary maintain bol in. Newspaper ho a letter/article jih/contribute habol in. Na lunga um chu English in moh jihjih jeng in. Velvet in lang adihlouho sudih in lang jihpha kit in. Ol ol a nahung thep ding ahi.

**6. Know the difference between enjoying your youth and destroying your future:** Graduation simsung hi hinkho a dia khangdonlai, lim le mel hoilai, thahatlai zong ahin, itophah khoikhah nomlai ahi. College life chu nomtah a man

ding ahithou nai, hinlah nom-tah a man ding lunggel hin mi tamtah hinkho apuimang ji in, high school/higher secondary chan a chapang phatah zong manlou soh aum nom in ahi. Na lekhasim suboi theiho a kon in kikangse in. College lai a dongma zong graduation akichai leh akichaiji tai tizong kihet in.

**7. Health is wealth:** Damtheina hi haosatna ahi tihi gollui thuchih ahin, haosatna ahikeu hilou in lolhinna khat zong ahi. Ijat in neilegou sumlepai neizong lechun na veiset dehduh leh na kipana bukim lou ding, na lunggel in ipi ngaito zong lechun na dammo leh molso hahsa fing ahi. Hijehchun tahsa damthei ding gelkoh in. Kisulip zing in lang tiul

lonsah zing in. Tahsa suse thei nehledon chuleh natna lakai thei thilbolho a kon in kitim in. Phat chomkhat nopsahna chun hinkho lhungkei a kisahna alhut thei ahi.

**8. Know thy Creator:** Na sempa geldoh zing in. Asempa geldohlou mi alamvai e. Ama a chu chihna le hetna gou zouse kisel ahi (Col. 3:2). Ama chu Pakai Pathen ahi. Lekha pontho tah in sim in, Pathen lunglhaina in hinkho mang in. Chihna le hetna gou zouse nape dinga kitemsa ahi. Aneipa lunglhaina a naum louleh na kipelou ding ahi. Career in lolhing nama zongleh Asempa helou vang alohinna chamkim zoulou ding ahi. Lolhinna dihtah chu tahsa le lhagao ania lolhinna hi ahi.

## HET DING

KBC Thuso a Article, Sermon, Report ijakai kijih ho hi ajihho deidan le ngaidan ahin, Editorial Board ngaidan hisoh hellou thei ahi.

### **HET DING:**

*KBC Thuso a Article, Sermon, Report kitiho hi ajih ding'a mi atum'a um deh ahipon chujeh in koi hijongleh Pathen lenggam natohna'a Article, Sermon, Report jih jing thei ahi.*

**Sd/- Jt. Editor**



# CHRISTIAN EDUCATION SUNDAY

6th September 2020

*Rev. Dr. Thonghosei Haokip*

*General Secretary/IC Education Secretary, KBC*

## Sermon

**Sermon Thupi: Pathen Thu Phatah a Kihilna Angaichatna**

"Ngaiyinvo Israel ... chule hichengse hi nangman insunga natoupet hihen lang lampi dunga navale pet hijongle, nalup pet jeng hihen lang natho doh pet hijongleh, aboncha hi nachate naseipeh a lunglut mong-monga nahil jingjeng ding ahi. Deut.6:4ff

"Chapang chu achonna dingdola kilomin khoukhah-in, chutileh ateh geiya jong hichu asuhmil lou ding donlouva akoilou ding ahi. Prov.22:6.

"Pathenin ahaikhum Pathen lekhabua thu kisun chengse chu kihilna a kiphona a kipuijangna a chonphat kisin sahna dinga phatah ahi, chutia chu Pathen mi chu pha chamkim keiya thilpha bolna lama chamkim keiya kigosa dema aumthei na dingin." 2 Timothy 3:16-17.

### Thumakai:

Kumtinna ihinman jing u KBC Events Calendar dungjuja September lhathupi hi "Christian Education" ahin, Pakai nikho masapen chu Christian Education Sunday itiu chu ahi. Hiche toh kilhonna Education, ahilouleh Themjilna lam ahitoh lhon'a chungang hung kitah doh thupi hi iki houlimna diuva deisah ahin, KBC thuso sim-

jouse leh Houbung mithengte jouse i-Pakai Christa Jesu mintheng pen minin ngailut salam kahin peuve.

Christian Education kitihi Christian kihilna/Jilna tina ahi. Hichu Christian dan toh kitoh a kihilna leh hung seiletna ahi. Mikhat in themjilna aseichetna a, "Themjilna kiti chun tahsa, lungthim chuleh lhagao abona kibangtah a khandouna chu ahi", ati. Sappauvin, "Education is the harmonious development of the physical, mental and spiritual powers". Mikhat a kona insung, insunga kona vengahilouva ahileh houbung ho chu themjilna neitah le thil hethem ahiu ngaiyah ahi. Mihem khat chu themjilna aneiteng insunga, louma a atoh ding

atham ding ho boi louva amolso na dinga lunggel natoh a nei ding ahi. Chuti banga chu, houbungjong chu amember ho hinkho – thilpeh hihen mopohna dang dang ho ahiding banga asuh bulhit louteng houbung chu pilhing loulai ahin, lhagao themjilna ngai ahiye. Hijeh a chu. Pathen thuphatah a kihilna angaichatna khohsahna kiseina chu ahi.

Pathen thupha tah a kihilna/themjilna (Christian Education) hi ipijeh a ikhoh sah diu ham?

Hichethudoh hi adonbutna tampi le jat chuomchuom umthei yinte. Khatna, Christian Education hi Bible in aseijeh a

ikhohsahdiu ahi. Bible a kona abaipena het ding leh kihilna ding chu chung Bible chang kipeteni le adang tamtah jong ahi. Israel te namkhat ahinauva thupeh masa le alen pen chu, "Ngaiyin vo Israel, na Pathenu khatseh ahi. Christian khanga seidinga chu Christa alailunga aumna (Christ-centred) umna chu ahi. Mihem le kiloikhomna ho thusei le vaihomna hilouva Christa alailunga auma, Ama jala kiloikhomna le kivaihomna ineyu ahitoh kilhona Ama loupina dinga kibol thupitah chu ahi. Pathen in atahsan chate eideipeh u chu ahile, tukum thupia inei bang uva Christa a imalam jouse ti chu – thusei, lasah, lunggel/ngaito, hindan/chondan chule adangdanga pilhing tah hinkho inei cheh dingu hi ahi.

Anina a, nalung thim pumpiu le natha neina pumpiuva na Pathenu nangailut dingu ahi ati. Hicheho jouse boltheina dinga kihilna phatah ngaiya ahi. Hitia chu Judami mipa khat chun hichengse hi ainsunga atoupet hihen lang lampi dunga avale pet hijongle, alup pet jeng hihen lang athodoh pet hijongleh, aboncha hi achate aseipeh a lunglut mongmonga ahil jingjeng ding ahina thupeh imu uve. Christian te jong chutobang ma a chu kihilna ngaiyah ihiuve. Labolpa'n, "Pathen lekha simjinga, asun ajana ngaitoa, agunchu a thanompa'n Pathen phatthei peh amui..." atibang mopohna ineyui.

Thuhilpa chun chapang chu achonna dingdola kilomin khoukhah in, chutileh ateh geiya jong hichu asuhmillou ding donlouva akoilou ding ahi ti eiseipeh u ahi. Amongin, mihem khat achapan laiya thu hoitah a kimop chapang chu ahinkho lhum keiya moh chekhel ngailou ahi. Roman Catholic hon ache-piu chu "Catch them young", tichu 'aneo lai'in manin' tina ahin, muntinna cha-

pang matna in aneyun ahile alolhing l'eh un ahi. Catholic hihen Seventh-Day Adventist ho hiu jong le school phatah tah abol uva, hichea kai chapang ho chu amaho doctrine ahiluva amaho tahsanna a ahinkai lut uva, ol ola anu-apa chule asopi cheng le ainheng-agalveng ho jong apuilut jiu ahi. Solchah Paul in lhagaova achapa Timothy lekha anathotna a " ... Chule huhhinga umna dinga nachih sah thei Pathen lekhabu Theng chu nachapan laiya pat a nahin hetsa peh ahitai." (2 Tim. 3:14,15) atihin neova pat a Pathen thua hung seilen ho alet geiya chekhel behseh louva lolhinna aneijingu amu uve.

Athumna ah, iPakaiyu Jesu Christa'n, "Amahon hinna aneyuva, anei letset nading uva hungah kahi" (John 10:10) ati hin, tahsa, lungthim chule lhagaova kibangtah a khantou naleh ga neitah a hing dingin iPakaiyun eideiue ti akihe theiye. Leisetna ahunglona khat jong ahi. Chule, mihem chu changlhah jenga hinglou ding ahin, Pathen thu a bou hing ding ahi ati. llungthim, tahsa chuleh lhagao kibanga akhantou lou tenga ahileh Pathen in eiguonpeh bang ahipon, Pathen natohna a dinga idei bang tah a kitong molso jou louvah ahiye. Lungthim leh lhagaova lhahsamna chun society leh houbung sunga kibung khenna muchi leh boina chomchom ahinpoh lutjia, hitia chu lekha hetlouna (illiteracy), vaichat, corruption, kitha-kimat, kibung khenna chuleh adang dang ahin pohlut ji ahi. Convention in themjilna mun ho angai-chatna munhoa pat angail'eh tan ahi. Education tilou society kikhelna ding umbek seh lou tobang ahi.

Achuti le Christian Education hi iti ikhoh sahdia ham?

Christian Education phatah a hung umna theidinga, angai masapen chu

insung ahi. Insunga kona Christian Sakho kichuhna hung kon ah ahi. Insung Maicham kisemna munhoa hung kipan ding houbung a Sunday School le Pathen thuphatah a kihang sapna/kijahna mun, chule kholaia themjilna school phatah a kai chun themjilna pha ahinpolut ding ahi. Insung jouse a Maicham khohsah cheh ding hi ahi. Insung Maicham kisemlouna a kihilna aumtheipon, minu le mipa in chate khohsahna alhasamin, chaten minu/mipa jana alhasame. Hichehi jatdang hamma, kol le vaiho lah a vang dihloou maithei ahin, eiholah a vang maicham semloute chu kihilna lhasam ahiuve. Insunga kihilna phatah aumlouteng le chapang/nungah-gollhang chu ahina ding bangtah a kikhoh khahlou ahin, society a mi suboi yin ahung pang kha jive.

Anina a, houbung sunga Sunday school phatah a khohsahna/nei ngaiya ahi. Amongin, Christian thuhil chu Sunday school a akimjep e, ajeh chu iboina ho, het chet louho jong thudoh umtheiya, mihil hon donbutna apeh a chutia chu lungthima boinahoh suhlhap a uma, hinkho lolhing tah kimangthei ahi. Chule, Sunday school aphan kit khat chu ahile, Pathen thu ho ban neitah a kisim/kijil thei ahi. Pastor/thusei nu/pa in adeidei aseihochu lhagao hinkho a machaal pina dinga lhingloou maithei ahi. Hichena dinga chate Sunday school a sol tei ngaiya ahi.

Athumna ah, School a chate kaisah tei angaiye. Tulai Right to Education (RTE) dung juiya chapang khat chu class 8 chan asim natei din thaneina (right) anei ahin, hiche a sollou hochu chapang hon anu/apa/avesui hochu court a ahelule jail lut thei ahiuve. Christian missionary hon themjilna ana khohsahuve. Mission

natoh atamjochu themjilna munhoa ahin pan jiuvin ahi. Tulai ei Manipur a government school thinghang munhoa kihilna aduhdah lou jallin private school ahung tamtan, commercialisation of education hi ahung pung lhetan ahile mivaicha hochingin themjilna pha hochu mu jochu dingin aumtapoi. Hicheho venna dinga chugovernment facility lah hochuleh school phatah a kibolouna munhoa chuschool phatah bola, residential (Boarding/hostel) umsa, mihil phahochu lut ngaiya ahi. Tahsa, lhagao, chuleh lungthim abona kibang a akhantou teng mihem khat chubulhing soh ding hiti chun Christian education hung umtan tin, Pathenin asem lona jong hin kihet tante.

Masang khat chun chapang khat ana umin, anu'n Pathen thua ana khokhah tapon ahileh ahung let langin agol-apa-ihochu thun anungin ahung chekhel tan, minei-minga guh hochu ahinbol keo hilouvin tolthat in jong ahung pangtan, chutia ahinbol jing phat in nikhat chusepai/police hochu khut ah ahung oh tan, jail sunga ahentauvin ahi. Athilbol khel hochu tampi adeh a tolthat ahijeh in amahicapital punishment through hanging (Phasia khailih) dingin thutan-vaihom hon atanlha tauvin ahi. Achuti ding ngal phat a ainsungmi ahinhol ule anu ahin-pui tauvin, athidingpa'an anujah a, "Henu kei chapang kahi lai chun Pathen thu in eina hil hochu chun, kei tu'n hitihin umponge henu" tin akap e akitie. Hiche thusima kona hi insung maichama Pathen thu chate hillou akhohdan imuvin ahi. Houbung le gamsung semna ding chule Pathen natochna dingin insung maicham a Pathen thu le themjilna munhoa chate khokhah jingu hite.

Lunglut tah a sim jouse chungathen vangpeh chang taken.

# Mission Column

Rev. Lamkeng Lhouvum  
Secretary Mission

## 1. Tahsan thah Tuilutna( Baptized) kin:

Pathen lungset in Arunachal Mission field sunga Pastor Nabin le Team ho Ministry noiya Golhang 2 Tahsan thah 6th July 2020 chun Danglat Baptist Church a konin ana umtan ahi. Chuleh 19th July nikhon jong Meitei Baptist Church Pastor Sen Meitei a Tahsan thah mi 2 tuilutna umtan ahi. Pathen thangvah in um hen.

## 2. Seven (7) Days Fasting Prayer :

Kipa pi umtah in Gl. Janglam Maovom cipur a kon in a-insung mite toh Elija Prayer Mountain mun'a Fasting prayer ana neijun chuleh Ng. Kimboi Chura- chanpur D. Phailen a konin 20-27th July 2020 sunga Seven days fasting Prayer ana neitan ahi. Kipahtah in 4.00pm 27th July chun Seven days Fasting Prayer gal jouvin inlanga akiletan ahi. Pathen in phatthei boh jing hen.

## 3. Jesus Film shows & Healing Ministry:

26th July 2020 nikho chun Jesus Film show ministry leh Gospel Preaching New Cuttring ( TB Road) Arunachal Pradesh mun'a Pastor Nabin lamkai na in an ache lhan ahi. Arunachal Mission field natong Pastor Lalboi Kipgen 29th July Pathen thusei leh ana damlou Mr Sorulum Towsik Bekhulian Baptist Church Houbung ajen ( Medicine treatment) pum'a Pathen natoh ama chal jingin ahi.

## 4. Nungah khat le Mipa khat Tahsan thah hung umta:

Sikim Mission field Missionary Senpu Haokip Mission natohna atoh khompi Mr Armon Limbu apa dia taona ana ngaichat bang chun Apa chu 26th July nikho chun Pathen ahin houtan ahi. Chuleh Evangelist Kamal Leplen, Songphel Mission field a konin Ng. Khat strick Hindu family Background a konin 29th July 2020 ni chun Pathen ahin hou tan ahi. Ama nu hi Missionary pa chun ning kum lang'a kon'a Pathen thu a ahin houlim pi ahitai. Pathen thang vah in um hen.

## 5. North India House Visit & Cottage Meeting Ministry:

Pathen lungset in Pastor Amit & Sister Kevita Panjap Ministry noiya Lockdown ho um jong leh Ministry amachal jing thei akimun Thursday cottage meeting ho jong achal jingin ahi. Pathen thangvah in um hen.

## 6. Kids Ministry Grace Bible Club:

Kids Ministry noiya kibol Grace Bible Club Rev Letminthang @ Mimin Haokip leh ain neipi Ms Ruby Haokip chun 11th July ni chun apan doh lhontan ahi. Hiche phat sunga hin Bible games, Memory verse chuleh Bible story seipeh na leh taona phat kimang ji ahi.

## 7. One whole night Prayer & Tree Plantation:

Achesa 21-22nd July 2020 nikho chun KBC Mission Board ho leh Missionary Evangelist mi 50 vellin Elijah Prayer Mountain mun'a whole night Prayer leh Tree Plantation chu akineitan ahi. Kipa umtah hiche Tree plantation a dia

### **Thingkeh hin pe ho:**

- Dr. D.D Haokip IFS, Addl.PCCF, Bamboo 150
- Ng. Esther Kom IFS, DFO / Churachanpur Thingkeh 200
- Ng. Chinpilhing Kipgen MFS DFO/ Kangpokpi



Thingkeh 600 ama ho chengin ngailut na neitah a eihin peh jeh un Thingkeh tampi aki tu lut in ahi. Chuleh Thinggai keh jong 50 akichon akitulut tan ahi. Pathen in phat thei eiboh jing taohen.

## 8. Washroom Kisa machal jing:

Elijah Prayer Mountain ngaichat ahi dung juijin, Washroom 2 leh Bathroom 2 kisa chu Pathen liungset in aki machal jingin ahi. Hiche a natong a pang Missionaries ho leh Evangelist chung a kipa thu sang tah in aki phonge.

## 9. Tripura Mission Natoh machal jing :

Missionary Seikholen Guite Tripura Mission natoh na a Mission centre ding gam khat chodoh ta. Chuleh Lockdown sung'a ama salary a kon'a Anchang, Hawaii, chuleh adang dang acho in Pathen thu asej peh ho hop dohna aneitai. Pathen lungset in tu hin atahsan thah mi 4 tuilut ding aumtai. Mission na toh hi gamsung anop pet keuseh a toh ding ahipon, ahin gamsung hahsat laitah a jing toh ding ahi.

## 10. G. Songlung Youth Camp:

27-30th July sunga KBC Gambih No. 4 sung'a G Songlung B/C mun'a Youth camp an ache lhan ahi. Missionary Paolam Kipgen, Ng. Lhingneikim @ Neoshi Haokip chuleh Gl. Jangminlen Vaiphei ho chu main speaker leh counsellor in apanguvin ahi. Pathen in kidang tah'a aman chah thu akijan kipa aumin ahi. KBC Mission field ho Missionary ho gunchu tah'a Pakai na atoh jingu akimun kipa aum l'eh jenge. Abon chan report jong akibol joupon ahi. Hijong leh ana toh phat nao Pathen in ahen ahi. Pathen in hin mang cha jingo hen. KBC Houbung miten jong itao naova gun chu tah in pang jingo hite. Loupi na jouise Pathen na hi jing hen, Amen.

# Men Column

Rev. Tongmang Haokip  
Secretary Men Department

Achesa Dt 15th July 2020 nin Convention Men Department 35th Men Council Office Chapal Hall mun'a Council ana kitoukhom in, Pathen lungsetna jal'in lolhing tah in Council ana kichai jin Pathen thangvah in umjing taken.

Rev. Onmang Haokip, former President chule Rev. Kamboi Chongloi, former Secretary chule Convention Men Work Committee ho jouse le agambih agambih'a lamkaiho ahung pang dinga lomho, Pakai minna thanom tah'a ahungpang ho jouse chungu kipathu akiphongin, chule ahung pang dinga lom Gambih lamkai phabep kihet tonale kijahmatna jong umlouva ahung panthei lou jehun Council member hon phamo akisan, hijongle akitna thanom tah'a Pakai min'a hung pangjing ding uvin kinep nale temna jong akin-eijin ahi.

Council'a hung pangho le ahung panglou Gambih ho anoija hin ahung kitahlange.

<b>Gambih No.SI</b>	<b>Mijat</b>	<b>Gambih NO SI</b>	<b>Mijat</b>
1.	2	12.	1
2.	Leave/mithi	13.	1
3.	3	14.	1
4.	3	15.	Absent
5.	2	16.	Absent
6.	2	17.	Absent
7.	2	18.	Absent
8.	3	19.	3
9.	Absent	20.	Absent
10.	3	21.	Absent
11.	2		
	<b>Total</b>	<b>22</b>	<b>6</b>

1. Tukum 2020 kumhin nat gentheina egamsung uva umjongle tuni channa akham kamma Pakai Lenggamna itohthei uva ipehjing theinah laijeh in Pathen ithang vah uve. Pakaija dingin phat-

pha umpet'in tongjing dingle pejing dingin Pakai min temna kahin neije.

2. Men Deptt. 35th Council kiphatsahna dungjui in 2017-2020 chan geija Member Fund le LRC fund pelou lai Houbung Pate jousen ahung lhungding Oct 2020 masang ngeija, Paten Pakai Lenggam na itoh khomnao machal na thei dingin office langa pehdinga lomho jouse hinpe cheh dingin avel in Pakai min'in temnale hetsahna kahinneije.

3. Tukum 2020 in jong LRC munna tohthei chan tuni chan geijin na akitong jingin chuleh achesa lhasungin Aieng Monsom (10) le Betou Monkhat i.e. 40kg anakitun chule tule tunjong Motphung 600 akitube kit in ahi. Hiche Motphung tuna dinga pan hinla ho jouse amincheh kiphajouta hih jongle achung cheh uva kipa thu kahin phonge.

4. Permanent Misssionary Fund (PMF) mipa khatin Pakai Lenggam a Missionary soldohna dinga Mipa khatin Rs 200 apat chunglam apehtei chan apeh thei ahi. Hichu Missionary soldohna dinga nangjong apanga nahitai hijeh chun tuni channa hiche PMF apesaho jouse chungga kipthu ahung kiphongin chule tuni channa ape loulai hole ajineithah Pate hon jong Pakai min'a thanom tah'a ihin pehcheh dingin temnale hetsahna ahung kineije.

Pate in tule tuhin Misssionary mithum sponsor ebol utoh lhon in, alhalo hojong aphatcha a phatea pehjou jing ahi nathei dingin Pate jousen hingelkhoh cheh dingin ikitemuve, chule koitabong Pakai minna avella penom ho jong lem ahi jinge.

5. Tukum 2020 Men Department Assembly Mess fee agambih agambih'a ana kihom chu, Gambih phabep in ahinpetan, ahinpe ho chungga kipathu akiphongin chule ahinpe loulai Gambih lamkai honjong eima eima gambih'a ipehding hochu Assembly lolhin nathei dingle kigot tupna thei dingin hinpe tadinguvin Pakai min temnale ngehna ahung kineije.

(Assembly hi Gambih No.8 Gothol Baptist Church munna umding ahi).

## Women Column

**Women Department Council phatechan akichaitai:** Gamsunga natna hise jeh in hahsatna tamtah um jong leh Pathen lungsetna jal in July 16, 2020 nikho in KBC Women Department Council 36 vei lhin na chu KBC Office Chapel Hall a 11:00 Am – 2:00 Pm sung in Gambih 17 a kon Nute lamkai thalheng hung khom mi 47 hon Former KBC Women President leh Secretary panna in lolhing tah in akichai tan ahi. Council kichai jin ahung kikhom lamkai cheng toh Office Staff hon ngailut ankong sokhom na jong anakinei jin ahi. Boi lai tah hijong leh Nute Council lolhing tah a che lhathei ja eikoi ju Hatchungnung Pathen thangvahna ipeuvin chuleh Pathen leh ikiloikhom nao ngailutna jal a hung kalsonga meeting lolhinsah Council member ho jouse chungga jong kipathu sangtah in kahin phonge.

**Lydia Girls Boarding, Churachandpur a COHSEM noiija Class XII hung lolhing ho:**



Amaho cheng hi KBC Women Department in ahon Lydia Girls Boarding, Churachandpur a tukum a COHSEM noiija Class XII Exam anapeh u ahin abon chao va First Division'a ahung lolhin nao chungga kipapina sang tah iphong un ahi. Chuleh amopo a ana pang Lamkai ho chungga jong pachatna sang tah iphong un ahi. Pathen loupina ding hitahen!

**INDIA BAPTIST WOMEN'S UNION (IBWU) PRAYER DAY AUGUST 15 (Saturday):** Pakaija tokhom pi KBC Houbung muntin na Nute ho jouse tunin gamsung hahsatna jeh in lekhatot ho jong dei bang in ahung kihom doh thei pon hijeh chun August lha thuso hi mangchan hiche national level a Baptist Numei te ikiloikhom nao India Baptist Women's Union (IBWU) taona thudol a them cha kahin tah lang nom me.

Hiche National level a Baptist numei te ikiloikhom nao hi member body tu tu hin 22 aum in ahi. Kumseh leh August 15 hi taona nikho a kimang ji a ipeh thei kham kham Offering jong IBWU Ministry a dinga



kibol ji ahi. 36 vei lhinna KBC Women Council kiphatsah na dung jui jin Taona ding item ho IBWU Office a kon na hung kithot ho noiija hin kahin tah lange. Hiche taona point ho a dinga Houbung tin na Nuten ahithe chan na August 15, 2020 (Saturday) nileh itao khom diu, iti ham khat na pelthei lou boina jeh a 15th August nia itao thei lou vu jong leh August lhasunga nute kaikhom na khat pen pen a iman tei diu vin phan te. Tukum hi neitokhom vang um lou ding ahi. Koitobang Houbung chu Covid-19 jeh a tuni chan na Houin pum kai thei lou jong um nalai dingin katah san ne hijeng jong leh ahithe cheng beh in hiche taona Program hi iman cheh diu vin tem na leh hetsah na kahin nei je.

**Taona Nikho Theme:** Keima min a kikousa kamite chu ahung kineosah thei juva taona aneijuva hitia hi keima angsung ahin hol thei juva, athilse bol naova kon na akiheimang uva ahileh, keiman jong vanna kon a kahin ngaija achonset nao kangaidam ding chuleh agam sungu kadamsah a kaphatsah ding ahi (2 Chronicles 7:14).

**Pathen Thangvah na ding:** A tepi ding umlou Pathen milungsetna jeh, Covid-19 natna kon a eiven bit jehuva, Isong piu leh ikul piuva kisung jing Pathen ahijeh, akhang akhanga ikisel nao leh ikingai nao Pathen ahijeh in kipathu seiju tin thangvah na peuhite.

**Taona ding Point ho:**

1. Convention ho a, Association ho a chuleh Houbung tin na numei lamkai ho ding, chuleh Pathen ging numei lamkai pha ahung kisp doh jing na dingin.
2. IBWU member Body ho jouse tohgon ho alohin theija Pathen loupi na dopsang ahina dingin.
3. Warangal, Telangana a Banjara nam mite Pathen tahsan na a akhan tou jing thei na diuvin.
4. India sunga Pathen tahsan ho jouse kilung khat na ding ahideh a Baptist ho beh khat na umkhom thei na ding in tao vute.
5. Pathen tahsan jeh a bolgenthei ja um tahsan chate ding.
6. Vaicha genthei ho, meithai leh nulou palou notthap a umho ding.
7. Tamil United Telegu Baptist Women's Fellowship tukum September Iha a um dinga akigot nao chuleh November Iha a Anniversary celebration anei got nu lolhin thei nadingin.
8. Garo Baptist Convention in abol Global Mission for the Weaving

Centre chuleh Retreat Centre asah jing lai ju alohlin theina dingin.

9. Gujarat le Rajasthan gam khaokhopi langhoa kon hoidoh na ding

10. Loulhou mi ho Pathen in amanchah a gamsung mipi neh kham ding tohga asodoh thei na diu vin taopeh uhite.

11. Bihar leh Assam gam twilet jeh a asang alakh a sim mihem genthei thoh ho ding in.

12. Covid-19 nat akon vannoi mihem te dam theng thei na ding in.

13. Covid-19 natna a thina toh insung mi ho ding, chuleh hiche jeh a anatoh mansah/lhaso a toh ding neilouva kihin sona ding lung donga um ho ding.

14. Covid-19 Frontline workers/amatum a pang ho: Louthem ho (Health workers), dan le thupeh tuh Police, Volunteer ho a ding.

15. Hiche Covid-19 in ahatoh khah na state ho – Maharashtra, Tamil Nadu, Delhi leh adang dang ho a mihem hon Pathen dihtah akimu doh thei na diuvin.

16. Covid-19 natna gal satna pan la Mipi Lamkai, Gamsung lamkai len ho Pathen in chihna leh vaihom them na apeh na diuvin.

## 21 CHANNA **MEITHAI CAMP**

**Thuseiding ho:** *Pu DP Haokip, Retired Chief Commisioner Income Tax*

*Pi Ngaineng Haokip*

*Pi Kimpi Lotjem*

*Councillor: Evan. Chingboi Chongloi*

Camp Director: Evan. Preety Lhingneilam Kipgen & Nu Vahneihing Baite

Thuching ding : Mr. Lalbem Kipgen

Milem ding: Khonei Work Committee ho

Camp sunga kimanchah najouse vetoh ding:

Convention Women Work Committee ho

Registration & Reception: Gambih No. 1 Work Committee le

Khonei Work Committee.

*Registration  
mikhatna Rs 100/-  
chek kila ding*

Amun : KBC C/C Langol, Gambih No. 1

Lhunkimni- October 20,2020 (Tuesday)

Minkhumphat(Registration): 12:00-03:00 PM

Nilhah Anneh phat: 04:00 – 05:00 Pm

## Development Column

### KBC HOLISTIC DEVELOPMENT

~Rev. Onkho Haokip,  
Coordinator, Holistic Development Committee, KBC

**1. CHASSAD:** Chassad Khopi kithah tundohna ding le Houin sahdohna ding'a tuni chan'a KBC Office mun'a mimal le houbung chule gambihho akon sum hunglut hi Rs. 13, 03,140/- alhing in ahi. Chassad Houin sahdohna ding in Cement, Thih le angaichaho Truck lenho khat dim in Chassad mun'ah ana kithah lhung in aban ban'a pan lahtoupeh ding in aum thei tan ahi. Pan hinlaho jouse chung'ah Pakai min in kipa thu sangtah in ahung kiphong in ahi. Mailam'a jong panla khom jing nalai ding in tem ihicheh uve.

**2. RELIEF:** KBC Holistic Development Committee akon in July 13, 2020 nikho in KBC Workers jouse Hand Sanitizer khat le Mask ni cheh pehdohna ana um in ahi.

**3. BACK2FARM/ABAFARM INDIA: KBC Holistic Development Committee le Inpi Chamber Commerce Society (ICCS) le Aba-Farm** India toh tohkhom ding tohgon akineiyin ahi. Akibol ding dan le ijakai noiya bang hin tahlang ahi.

- i. Eima gam sung'a Houbung in Farm lei bol ding ahi.
- ii. Houbung in aman nom gampheng (acre/hectare) chu len hen lang neo jongleh Haosate akon phalna lekha um ding ahi. Hiche Farm lei bol theina ding lekha chu kum 15 alhin tengleh kichai ding ahi. Kum 15 sung'a chu Haosate in Farm Lei chu thil dang'a aman lou ding'u ahi.
- iii. Muchi tu ding (be, thing, lengmusel etc, kumkhat ahilouleh phatbih khat kah'a aga lothei) ho achi  
(seed) chohna sum 80% AbaFarm te in ahin pohdoh ding'u ahin 20% Farm lei bol Houbung in akipohdoh ding ahi.
- iv. Farm lei bolna'a tha kikonho chu AbaFarm in nikho tha them khat khat asempheh kit ding'u ahi.
- v. Kumlhun ahilouleh Farm akon muchi gaho khop tup tengleh agaho chu AbaFarm in abonna Farm mun'a ahung kichoh kit ding ahi. Mundang'a ga joh le le ngailouhel ahi. Alhangpia phatea Farm kibolna mun Hectare khat (Pari khat) sung'a muchi

*agaho chu Lakh khat'a akichoh ding'u ahi. Hiche sum Hopsom chu houbung Hopsom a lut ding ahin adangse chu Houbung in manna theitheiya aman chah ding ahi.*

*vi. Hiche Farm lolhin theina ding'a amun'a natong ding le vesui ding chu Houbung mite hijing ding'u ahin Lhagao hinkho suhatna toh thoa Houbung in pan alah ding ahi.*

*vii. Muchi hihen adang dang (technical & scientific support) kithopinaho AbaFarm in mopohna alah ding ahi.*

*viii. Houbungho in Farm lei abol'u chu AbaFarm in phatah'a avet sui uva pan alah jing ding'u ahi.*

Hiche tobang tohgon hoitah aum toh lhon in KBC gamsung'a houbungho abol nom le abol thei ding ium uleh kihoutoh'a chule Kho Haosate toh kinoptohna aum thei ding leh akin thei lam pen (August 10 masang'a) KBC Holistic Development (Dr. Seilenkap Haokip, Asst. Coordinator, Development Committee Mobile Number -8413034697 kom'a hetsahna hin nei ding in temna ahung kineiyee. Tuchung'a hi Hectare them khat bou kimu ahitoh lhon'a min hinpe lut masaho in chanvou amu masat ding'u ahi.

## **SAMARITIAN MULTI-PURPOSE CO-OPERTIVE SOCIETY**

KBC Development Section noiya SMPCS a Loan anala'a chule lhaseh'a Loan Interest kisah lou laiho jouse in July lha sung'a hin sa doh cheh ding in temna le hetsahna ahung kineiyee. Loanee-ho in boina anei khah ujongleh loan lahna ding'a Grantor'a ana pangho injong hin khohsah cheh ding in tem ihuive.

Loan chung chang'a het chenbe nomho in noi'a min le Phone number kipea hi doh cheh jing thei ahi. Chule koi tobang Bank Account akon Loan hinsa nomho in noiya Bank Account a hi hin thot jing thei ahi. Bank Account a hinthotho in Pay Slip chu Asst. Coorinator kom'a thot'a hetsahna nei ding ahi.

### **KBC Development Account**

*ACCOUNT HOLDER: Samaritan Multipurpose Cooperative Society LTD,*

*NAME OF BANK: The Manipur State Co Bank Ltd. Kangpokpi Branch, Manipur*

*Account No. 70600083360*

*IFSC Code: YESBOMSCB07*

## STS Column

### SHALOM THEOLOGICAL SEMINARY (STS) SUNDAY

(9th August, 2020)

Houbung mite jouse, I-Pakaiyu Jesu Christa minin ngailutna Salam/Chibai kahinpeuve!

STS Sunday nikho manding thua houbung tin a lekhatot hung kisol anamukhalou houbung aumkhah le tin hiche ithuso'u mangchan avelin hetsahna ahung kinei kit in ahi.

Kuki Baptist Convention Calendar of Events dungjuiyin, Pathenin damna hinkho le phat pha einapeh ule ahung lhung ding 9th August, 2020 (Sunday) nikho khu Convention pumpia Shalom Theological Seminary (STS) Sunday tia ikimanchahna diu nikho ahung hitan ahi. Hijeh chun, ikiloikhomnau Convention sunga houbung jousen Theological College khat ineisun sun'u gelkhohna jal a hiche nikhoa hi thonlouva inakimanchah cheh uva, STS a dinga tokhomna jong Pakai min le STS gelkhohna jal a hongphal tah a ihinto doh uva, ihin tokhom hou chu KBC Office a Cashier nu (Mrs. Kimbem Haokip) kom a ihung peh lut theiyu, ahiloule gambih Pastor pa ihin pohsah theiyu ahi. Guest Speaker hungna houbung hon ahung pen pen chu ihin poh sah theiyu jong ahi.

Hiche nikhoa kimanchah ding dan hi, houbung hon ama, ama hitheina lam cheh a akimanchah theina diu joh gelkhohna jalin, STS/ Office mun langa konin kimanchana ding achen-achai/ (Detailed Programme) le thupi ima atumin ahung kigong poi. Hijeh chun, houbung hon eima, eima hitheina lam cheh a Programme ina kigonuva, thonlouva hiche nikho hi inaman soh kei diuvin temna le hetsahna ahung kineiyin ahi.

Houbung jousea Guest Speaker hung kisol joulou ding ahijeh in, houbung phabep khat a Guest Speaker hungna ding ahung kigongin, ahungna diu houbung hon Pakai min a kipah tah le lung lhaisel a inalemuva, inakimancha khompi diuvin Pakai minin temna le hetsahna ahung kineiyin ahi.

#### Guest Speaker Arrangement

	<b>Speaker</b>	<b>Church</b>	<b>Gambih No.</b>
1.	Rev. Dr. M. Thongkhosei Haokip	Baptist Church, Gangpijang	19
2.	Rev. Lamkeng Lhouvum	Baptist Church, Lonpi Khonou	21

3.	Rev. Thongkholun Touthang	Baptist Church, Kulbung	09
4.	Re, T. Thangkhosei Haokip	Baptist Church, N. Songlung	04
5.	Rev. Tongmang Haokip	Baptist Church, Saisijang	19
6.	Ms. Lingboi Kipgen	Baptist Church, Pangjang	03
7.	Rev. Seiboi Tuboi	Baptist Church, Saijang	03
8.	Rev. Onkho Haokip	Baptist Church, L. Sareikhong	02
9.	Rev. N Baite	Baptist Church, Saheibung	07
10.	Pu Peter Ngamsei Haokip	Baptist Church, S Molcham	08
11.	Rev. Dr. Paul Paolen Haokip	Baptist Church, Khopijang	21
12.	Pr. Letkholal Haokip	Khangborol Area	13
13.	Rev. Dr. Haoneo Haokip	Baptist Church, Mulam	02
14.	Pr. Ginneo Haokip	Baptist Church, Songphel	02
15.	Ms. Hat Mary Haokip	Baptist Church, Zalenbung	02
16.	Pr. T. Jamthienlal Haokip	Baptist Church, Pashong	02
17.	Pr. T. Seikhogin Haokip	Baptist Church, Dongsum	02

## STS Sunday Nikhoa Taona a Geldoh Dingho

1. STS hi Theological College pilhing tah sodoh teiding tohgon inei dungjuiyun, tu Academic Session 2020-2021 sung ngeiya Senate of Serampore noiya Affiliation muteina ding akiboipi laitah ahin, hichehi ilolhin teina diuva lung-gil tah in Pathen henga thumna le taona manding.
2. STS a jilkung (Faculty) ho, Office a natong (Chowkidar cum peon pa le Librarian pa) hon lung kitoh tah, thahat tah le machal tah a na atoh jou jing theina diuva taopeh ding.
3. STS a simlai/ jil-lai (alui mi 4 le athah mi 11) hon damsel a Course achai theina diuva taopeh ding.
4. Theological Education Board member ho dia tao ding.
5. STS a toh ding khoh tah tah ho toh doh theina dia sum le pai lut ding ho lhasam louva akimu jing theina dia tao ding.
6. Convention pumpi in lung kitoh tah a pan ilah-uva College pilhing tah sodoh theina dia tao ding.
7. STS a B. Th sim a hung ding Sikkim a kon a numei khat le Assam (Karbi-Anglong) a kon a numei khat (Lock Down jeh a hung thei loulai) ahung thei tei lhona dia taopeh ding.

## SHALOM THEOLOGICAL SEMINARY (STS) THUSIM

STS Sunday iman diu to kilhonin, athusim achomlam tah a hung kitah lang hi houbung tin a houbung mite jousen ihet soh keinadiuva inasimdoh soh kei diuvin Pakai minin temna le taona ahung kineiyin ahi.

Shalom Theological Seminary, achomlam a STS tia kihe hi KUKI Baptist Convention (KBC) in KBC gam sung hihen, gampam a kon hihen, numei/ pasal koi hijongle Christa a pentahna le hinna kicheh tah neiya Pathen thu hetbe nom hon Pathen thu ajilna diu, chule Pathen thu jilna le Pathen natohna dia kichuhna neinom chan kichuhna (Training) pehna dia KBC in kiphut doh Pathen thu lam a them jilna mun (Theological College) khat ahi. Hicheto kikhon chun Shalom Theological Seminary (STS) thusim hi achomlam tah in anoiya kipeho bangin veu hite.

### **Ahung Kiphudoh Dan**

Pathen thu lam a kihilna le kichuhna munpha khat neidoh teiding hi phat sot pia kon a KBC lamkai masahon lunga naovop banga anavop jingu ahitai. Hito kilhon chun houbung lamkai (adeh a houbung Head Deacon) ho kichuhna (Short Course Training) anakipeji in ahi. Hitobang kichuhna hi pilhing dom a boldoh ding ti tup le doi anahi jing to Ihonin, 2010, November Iha chun, South Korea gam a Jesus Mission a President Rev. Dr. Kyusokseo chu Mission Seminar a thusei din anakikhovun, hichea chun KBC in phat sot tah anagal dot jing Pathen thu lam a them jilna lam hi amato kitho khom a bol dingin temna anakineiyin ahile, aman jong pha anasah a, natoh pat dinga anathumop dungjuiyin ahung kichejom pi in ahi.

### **Leadership Training Institute (LTI)**

Hitobang kichuhna hi minvo/ minsah lou akhoh tah jeh in, 14th March, 2010 nikhoa Managing Committee Meeting Resolution No. 2 na a, minsah ding chung changa kinoptona dungjuiyin, Leadership Training Institute (LTI), tin ahung kiminvo in, hito kilhon chun 14th September, 2011 kumin Rev. Dr. Kyusokseo, President, Jesus Mission, South Korea, Minister hina in thenso anahitan ahi. Hiche Training Institute hung kibol lona hi, KBC gamsung hihen, apam lam a kon hijongle mi paova gamlatah tah a Traininga gache joulou, ahivanga aumna houbungin mangcha nom lhez jeng, hitobang miho chu Training phatah a peh a, Pathen leng-gam a dia manchah phatah sodoh ding; Missionary a chenom koi hijongle ache masanga hiche mun a Training peh masah ding, chutengle sol ding, achesaho jong aphot dungjui le ngaichat ahi dungjuia Training peh ding; chule Full-time Ministry a Pathen natongsa ho jong aphot phat a traing bolpeh ding, tiho hi ahi. Hitichun, Rev. D. Doungel Director hina in Leadership Training Institute (LTI) noiyah 15-30th September, 2011 sung chun jil-lai mi 14 panna in Training masapen (1st Semester) anakibolin ahi.

### **Shalom Bible College & Mission**

LTI noiya Training ahung kipeh jom to kilhonin, bulhing tah a Training pehna mun dinga College pilhing tah khat boldoh tei ding ti lungtup ahung umdoh kit tah to kilhonin, Leadership Training Institute (LTI) kiti min chu Shalom Bible College & Mission tin ahung kikhel tan ahi. Hitia amin hung kikhel lona jeh chu ahile, phat le nikho dungjui le khantou dungjuia English Medium a Degree Couse ho jong hon a, KBC mi jeng seh hilouva, kiloikhomna chom com a kon a miho, chule Manipur gamsung le mundang/ gamdanga kon a jat dang/ namdang hi hiche mun a training hung lanom hon jong hiche mun a hi Training ahung lah theina diuva College pilhing tah a boldoh ding ti tohgong dungjuia hitia hi amin jong hung

kikkel ahi. Ahin, hiche hi phat sot tah gel bangin tohdoh joulouvin ahung umin, hiche kah sung chun Rev. D. Dounge Director hina in Short Course Training (C. Th programme) ho chu anachejom jingin ahi. Hitichun, C.Th 2nd Semester chu 1-15th May, 2012 sungin anakibolin ahi. Aban jomin, C.Th 2nd Batch, 1st Semester chu jil-lai mi 13 panna inn 4-19th March, 2013 sungin anakibolin, abanin, 2nd Semester chu ji-lai mi 25 panna in 3-24th March, 2014 sungin anakibolin ahi. Hiche kah lah sung hin Property phabep (Bench 10 le Desk 10) jong anakilam doh in ahi.

### **Shalom Theological Seminary (STS)**

KBC kivaipohna dungjuia tohmun kikheltona (Tranfer & Posting) to kilhonin, 2017 kuma pat in Rev. J. Silas (Boipu) Haokip in Director tohmun chu ahinlo tan ahi. Rev. Silas in Director tohmun ahinlo to lhonin C. Th programme chu batch khat anakibol jomin, Degree Course pat dinga anakisei jing banjomin, 2017 kum a pat chun Three years Bacheolor of Theology (B. Th) Course ahung kibol panin, hiiche kaha lah hin Deacons' Training jong akibolji in ahi. Degree Couse akibol tah le Senate of Sreampore ahiloule Asia Theological Association (ATA) khat pen pen a Affiliation neilou akhoh tah jeh in, 2019 kum chun ATA ho anakikouvin, thal-hengin Uday Kumar ahungin, vet lhahna ahung neiyin, ATA noiya Affilitation mutheina dia ngaicha/ bol-lou le neilouva khoh (Requirement) ho einasei peh-uvun eindalha tauvin ahi.

Kivaipohna dungjuia tohmun kikheltona (Tranfer & Posting) ahunglhun kit tah to kilhonin, tukum (2020) February Iha a pat in Rev. Dr Paokhohao (Haoneo) Haokip in Director/ Principal hina tohmun ahinlo kit tan ahi. Rev. Dr. Haoneo Haokip in STS Director/ Principal tohmun ahinlo loa pat in lhakhat (7th February – 13th March, 2020) sungin, 2019 kum a KBC a natong dinga kilathah Pastors, Missionaries le evangelists ho Orientation Course anakibolin, STS Faculty ho le Student ho jong sun le hiche kin a chun akiboiji in, jan tengle Class anakibolji in ahi. Hiti chun ahung kiche jomin, 2nd June, 2020 nichun STS thusim a mang talouding B. Th First Batch mi 6 ho Graduation Service anakibol peh tan ahi. Vangphat um-tah le Pathen lungset jalin STS a kon a B. Th chai First Batch ho lah mi 3 (Mr. Gingoumang Kilong, Baptist Church Phoibih, KBC Gb. No. 4; Miss Ngainu Kipgen, Baptist Church, KBC Gb. No. 2; chule Miss Sobha Singh, Hindi Baptist Church, Moreh) in KBC a Mission Department noiya na atongpai jeng tauvin ahi.

Affiliation muna ding natoh banjom ding akiti laitah in, Senate of Serampore noiya kum sot pi B. Th Couse anakisumang sa chu tukum (2020) a pat a bolkit tah ding ti thu akijah to khonin, Senate of Serampore noiya Affiliation din Application anakisep in ahile, Pathen lungset jalin amahon jong eihin donbut paingal jengun, Affiliation muna dinga boldoh/toh doh dinga ngaicha (Requirements) ho Rep[ort bolna ding Self Evaluation Form eihin thot pai ngal jenguvin, tua hi hiche hi akiboipi khoh cheng laitah ahin, akibolchai tengle Inspection/ Evaluation a hungdiu, Requirement ho chu anakisuh bulhit jou le Affiliation eipeh diu ahitai.

Hlchea KBC houbung mite jousen nasatah a igelkhoh diuva dei umpen chu, Affiliation hi tu Academic session (2020-2021) sunga hi mudah tei dinga hatah a kiboipi ahin, hichea dinga hi houbung mite jousen nasatah a pan ilahkhom diu angaikhoh lheh jeng tan ahi. Affili-



ation mutheina dia bolding thil tampi ho chu ahithei chanin amopo Principal le Faculty hon hatah in aboiuvin, hicheho lah a akhoh deh set a suh bulhit teiloi louva khoh chu Library le Infrastructure Development teni hi ahi; ajeh chu Library kiti hi College/ Seminary khat dinga alou theilou 'tingpi gu' tobanga pang khat ahin, chule Infrastructure (Building le College bolna dia ngaicha thil dang dang ho) jong alou theilouva ngaikhoh tah ahi. Affiliation a dia Inspection a hung hon ahin hakhol pen diu ho chu hicheho hi hung hiding ahi. Boldoh/ tohdoh teilouva khoh ho chu apipen a

1. Library a koiding lekhabu tampi chohbe ding.
2. Library a manding Xerox machine len khat choh ding.
3. Library a man ding Computer (All-in-one desktop) set 3 choh ding.
4. Kichen le Dining Hall kigom khat sah ding.
5. Office, Library, chule Class room ho partition semding
6. Furniture (Dining table, bench, desk, bed
7. Furniture (Dining table, Bench, Desk, Bed, etc) ho semding

Chunga kiseiho boldoh/ tohdohna dinga hi, kumbul a anakigong budget kalval a sum le pai tampi hunglut ding ahin, mutheina lampi ahung um a boldoh/ tohdoh ding dol ho boldoh / tohdoh a aumtheina dinga mimal hihen, houbung hijongle, athil a hien, asum a hijongle jokham khm a pan hinlanom ho jong kipah tah in akilem jinge.

## THEOLOGICAL EDUCATION SCHOLARSHIP

Manipur sung le gamdang dang munchom chom a Theology sim B.D/ M.Div. a pat chunglam Final Year a simlai ho, KBC in jokham kham a Scholarship kipeji chu, 2021 a dinga Apply bol phat ahitai. Application Form akisemin, KBC Office a Receipt & Issue a kon ahiloule STS a kon a muthei ahi. Gampam a umhon ahin ngaichat ule akhoh dungjuia Soft Copy a jong thot thei ahi. Apply bolthei ding miho le a-insung mite kihet tona inanei cheh diuvin hetsahna ahung neiyin ahi.

**Angaicha Document ho :** (i) Houbung Recommendation letter (ii) Final Year a tuchan a Exam abolna Mark Sheet (Transcript)

**Apply Bolthei Dingho :** Hiche Scholarship hi Senate of Serampore/ ATA noiya simho bou kipe ahin, amaho bouvin Apply abolthei ding ahi. Chule, Senate of Serampore/ ATA noi hijongle anempen a Second Class mujou ho bou kipe ahin, Second Class a pat chunglam ho bouvin Apply ahinbol thei diu ahi.

~Rev. Dr. Paokhohao (Haoneo) Haokip  
Principal, STS.

## CENTRAL CHOIR A DIA KOUNA

Music Committee meeting resolution no.04/MC M-01/2020 dungju'i'a Choir Member lahbe ding ana kiti phatleh nikho hochu Covid-19 Lockdown jeh in ana che lha thei tapon hijong leh Music committee meeting no.02/MC M/2020 resolution no.02 phatsah dungju'i in anoia hohi sei lha ahitai.

\* *Choir Member lahbe ding jat : Pasal 3 leh Numei 3, agom'a 6 hiding ahi.*

\* *Choir Form : Hard Copy hihen Soft Copy hi jongleh muthei na*

**Gl. Haoneo Baite, Choir Director ( 9862539378)**

\* *Form Last date Submission : September 28 ( Monday )*

\* *Gambih/C.C Pastor Seiphatna Lekha ngaiding.*

\* *Bio-data Lhingsel ding.*

\* *Amachu English Pao tho thei beh hitei tei ding.*

\* *Ama kipeh thengna (commitment) leh Thusim ( Testimony ) pang tei ding.*

\* *Church Choir leh Gambih Choir a pangsa ho dei ahi.*

\* *Interview hi candidates hotoh committee ho kija mat ding ahitai.*

## KBC (I) SUNG'A LAPI CHOPKHOM DING

Music Committee meeting resolution no.02/MC M-01/2020 dungju'i'a phatleh nikho kipe hochu Covid-19 Lockdown jeh in ana che lha thei tapon hijeh chun Music committee meeting no.02/MC M/2020 resolution no.02 phatsah dungju'i in phatleh nikho ho ahung kithah sei kit e, KBC hopsung'a Houbung hihen, Gambih hihen, Centre Church hijong leh Music Cmmtt. tohgong dungju'i'a KBC (I) kiphu til'a pat tuni changei'a hung kisemdoh Lapi jouse Labu'a Semding ( Compile ) boldoh tei ding aki gong in hiche toh lhon chun koi hijong le anoia kipe condition dungju'i'a hi ahinpeh thei ding ahi.

1. *Lapi hohi khomin leh Houbung min panglou hiding ahi. Ijem ti'a apan khah tah leh Lapi neiho phalna dungju'i'a suhtuo thei hiding ahi.*

2. *Lapi hi Jubilee, Good Friday, Easter Sunday, Christsmas, New Year, Houin lutna chuleh itobang phatbih dungju'i'a La ho hithei ahi.*

3. *Lapi hi Houbung, Gambih, Centre Church ho'a hiding ahi.*

4. *Lapi jouse'a Composer/Lyricist/Tune ho min pangtei ding ahi.*

5. *Lapi jouse sol-fa/ Staff Notation pum'a hiding chuleh hard copy leh soft copy khat pen'a thah thei hiding.*

6. *Lapi jouse September 30 masang ngei'a ihin thah thei diu ahi, phat kipe kal'a vang thahlut hah ding ahitai.*

*Chung'a hung kimin pah cheng ho ihin suh tup teng uleh Rev. Thangkhoisei Haokip, ( 9612379091 Music Scy. ) leh Gl. Haoneo Baite, ( 9862539378 Music Director ) kom'a peh ding ahi.*

*Pathen lenggam na itoh khomnao machalna Hatchungnung Pathen in eipe jing taohen.*

*Rev. Dr. M. Thongkhosei, General Secretary*

## Office Diary

# Office Thuchinbu

(July)

**July 3:** KBC Chapel Hall mun'ah CEC meeting toukhomna ana um in ahi.

**July 9, 2020:** Pathen jal in KBC Head Office munah KBC Auditors ho hapanna jal in Centre Church-ho le Department chule General Account-ho Half Yearly Audit lolhing tah in ana kichai tai.

**July 13, 2020:** Office mun'ah CEC le Men Work Committee Joint Meeting ana um khom in ahi.

**July 13, 2020:** KBC Chapel Hall ah KBC Workers Prayer Fellowship lolhing tah in ana kimang chaitai. Rev Tongmang Haokip, Secretary, Men Department in Pathen thua tilkhouna ana neiyin ahi.

**July 13, 2020:** KBC Holistic Development Committee akon in KBC Workers jouse Hand Sanitizer khat le Mask ni cheh pehdohna ana um in ahi.

**July 15, 2020:** KBC Chapel Hall ah 35th Channa Men Department Council lolhing tah ina na kichai tai.

**July 15, 2020:** Vangset umtah'a Thanglal Doungel, Chairman, KBC No. 2 in eina dallahnauva KBC Office akon in Rev. Seiboi Tuboi, Youth Secretary le Pastor Thanggoumang Haokip, Medical Chaplain in aga op lhon in ahi. Pathen in adalhah insung mite lungmonna pe tauhen!

**July 15, 2020:** Convention Council umna ding in Khoken Baptist Church vetlhahna le Deacon Board-ho toh kihoulim khomna Khoken munah ana um in ahi. KBC thalheng in General Secretary, Finance Secretary le Development Coordinator ana pang uvin ahi.

**July 16, 2020:** KBC Chapel Hall ah Women Department Council lolhing tah in ana kichai tai. Council kichai in Council Member jouse le Office Secretary jouse le Staff jouse in ankong sokhomna ana nei uvin ahi.

**July 16, 2020:** Holistic Development in alamdoh Computer le Office Assets-ho General Secretary in thensona ana neitai.

**July 17, 2020:** KBC Chapel Hall ah KBC Youth Council 2020 lolhing tah in ana kichai tai.

**July 20, 2020:** Pastor Limminthang Zou, Pastor KBC No. 6, tahsa Damlou jeh in KBC Chapel Hall mun'ah Pension Board lamkaina le Office Secretary jouse le Staff jouse jaona in Medical Pension anachetan ahi. Ama tahsa tah ahung thei lou jeh in Apa neoteho leh insung mite ahungun ahi. Ama thakhel in a-inneipi Kimboi Zou in ama khellin ngailut thilpehho alan chule houlimna gil tah jong ana seiyin ahi. Pastor Limminthang Zou hi KBC thusim'a Medical Pension che masa pen ahitai. Pathen in damtheina le hintheina pe jing taken!

**July 23, 2020:** Manipur Baptist Convention (MBC) Office Secretary-ho le Kuki Baptist Convention (KBC) Office Secretary-hoin KBC Chapel Hall ah kimmel hettona le kihoulimkhomna ana nei khom uvin ahi. MBC le KBC ding'a tukum hi Office Secretary atamjo kikhel kum ahitoh Ihon'a kihettona le kijahmattona ana neikhom'u ahi.

## Reports

# GAMBIH LE CENTRE CHURCH THU LAKHOM (July)

**05 July 2020:** Leisang Baptist Church KBC Gambih No 6 a tahsan thah mi ni (Gollhang khat le nungah khat) in Pastor Letminlal Khongsai, Gambih Pastor kin thempu hinan tahsan tuilutna ana nei Ihon tai.

**July 5, 2020:** Tuni nisim 5th July 2020 nikhon T. Phaimol Baptist Church, KBC No. 7 a um chate mi 8 gambih Pastor Th. Letkhoson Haokip khut ah baptize achang tauve, amaho jal'a Phaimol houbung ahung khantou ding ikinem uve. Pathen in mapui jing tau hen.

**July 5, 2020:** Vangset umtah in Saivom Baptist Church, KBC No. 16 a um Nu Chinhat Haokip (70 vel) in a leiset hinkho alha in Pa kom ma choldo din ana che masa tai. Pathen in adalhah insung mite lungmonna pe tauhen!

**July 06, 2020:** Centre Church Kangpokpi in Quarantine Centre mun'a umho neh leh don ding Jing an Jah an Church Kitchen munnah ana honpeh un ahi. Hitobang'a thilpha bolla pan laho Pathen in phatthei boh tauhen.

**July 9, 2020:** Centre Church Leimakhong, Baptist Church, KBC No.

1 in Houbung sung'a Govt Service neilouho inson'a An Chang Kg. 10 cheh hopdohna ana neiyun ahi. Chule ajing nikho in Leimak-hong vel'a Christa thisan jal'a soppiu Nepali Houbungho jong vilna le kithopina ana nei uvin ahi. Hitobang'a thilpha bolla pan laho Pathen in phatthei boh tauhen.

**July 10, 2020:** KBC Gambih 16, Kumkim Sumvet tup(Audit) le gambih lamkai kihoukhomna ( Executive Meeting) lolhing tah in ana neikhom uvin ankong sokhomna jong ana nei uvin ahi.

**July 11, 2020:** Pangjang Baptist Church, KBC No. 3 mun'ah Gambih Taokhomna lolhing tah in ana kichai thei tai. Rev. Henjalen Doun-gel, Gambih Pastor in Pathen thua tilkhouna thu ana seiyin ahi.

**July 12, 2020:** Canan Veng Baptist Church, KBC No. 15 a Tahsan Tu-ilitna kin Rev. Thanglen Haokip, Gambih Pastor kinthempu hina in lolhing tah in ana kiboldoh in ahi.

**July 15, 2020:** Vangset umtah'a Thanglal Doun-gel, Chairman, KBC No. 2 in molem san tauvin ahi. Rev. Satminlen Khongsai, Gambih Pastor in vuilemna ana neitan ahi. Pathen in adalhah insung mite lungmonna pe tauhen!

**July 15, 2020:** Vangset umtah in Pu Shokholun Touthang T.Twisomjang KBC No.16, in eina mollem santauve. Gambih Pastor T. Thangkhomang Haokip in vuilemna ana neitai. Pathen in adalhah insung mite lungmonna pe tauhen!

**July 18, 2020:** Baptist Church Mulam, KBC No. 2 mun'ah Gambih Anngol Taokhomna mi 354 panna in lolhing tah in ana kibol chaitai. Rev. Satminlen Khongsai, Gambih Pastor in Pathen thua tilkhouna aneyin ahi.

**July 18, 2020:** KBC Gambih No.21 in Khopijang Baptist Church mun'ah Half Yearly Audit cum GEC Meeting lolhing tah in ana nei uvin ahi.

**July 18, 2020:** KBC Gambih No 16 lamkaiho le Pastorpa'n Evan Helun Chongloi damlou vilna le Lydia Resource Centre Churachand-pur vilna aga nei uvin ahi.

**July 19, 2020:** Tingkai Baptist Church, KBC No. 7 a um tahsan thah mi 10 chu Pastor Th. Letkhoson Haokip, Gambih Pastor khut'ah Baptize anachang tauve. Pathen in mapui jing'u hen lang, houbung le gambih dingin khompin hung pang tauhen.

**July 19, 2020:** Khopijang Baptist Church, KBC No. 21 a um tahsan thah mi phabep chu Rev. Onthang Haokip, Gambih Pastor khut'ah

Baptize anachang tauve. Pathen in mapui jing'u hen lang, houbung le gambih dingin khompin hung pang tauhen

**July 19, 2020:** Pathen jal in Molnom Baptist Church, KBC No.16, Sunday School Hall Thensona Pastor T. Thangkhomang Haokip, Gambih Pastor in anei toh lhon in houbung pumpi ankong sokhom najong ana um in ahi.

**July 19, 2020:** KBC Event Calendar dungjui'a Anthah Lop ahitoh lhon in Gambih sung'a houbungho le Centre Church tamtah in Pakai lhachaho jaona in Anthah Lopna ana nei uvin ahi.

**July 20, 2020:** Tukum 2020 KBC Centre Church Salem Sapormeina KBC. No. 4, Class X (Ten) Exam'a pachanna hin nei chate 18 le Class XII (Twelve) Exam'a pachanna hin nei chate 18 ho Houbung in kipana Maicham ana sempeh uvin ahi.

**July 29, 2020:** N. Songlung Baptist Church, KBC No. 4 a um Gl. Kaingam Haokip le National Games Village a um Ng. Angom Nirmala Devi chu Pastor Khuptionlal Hangshing in Apa Acha chule Lhagao Theng min in hou dan theng in ana gom tan ahi. Pathen in Christian insung nom hin pe lhon taken!

**July 30, 2020:** Vangset umtah in Chingdai Khullen Village, kbc No. 2, Saikul Sub-Division, Kangpokpi District, Manipur a um Pu Hawn-gam Mate, (38 years)chu kalnatna akijenna akon in damdoh jou talouvin ahi. Pathen in adalhah insung mite lungmonna pe tauhen!

*Hetna Belap*

## **KUKI CHRISTIAN-HO THUSIM'A AMASAPENHO**

**(Lhakit leh banjom ding)**

1. January 7-9, 1954 sung in Khengjang Houbung mun a Nagaland Kuki Christianho in khoppi anabol un hichea chun Kuki Baptist Association (N) ana kiphutdoh tai.

2. Pu Khaikhojang Thengeo, Field Secretary, Pu Seijang Hangsing, Pu Chungkhosei Doungel, Pu Satneh, amaho chu KBA Nagaland lamkai masaho ahiuve.

3. Rev. Thangkhohen Haolai chu KBA sunga Executive Secretary masapen le ordained kibol maspen ahi.

4. May 17, 1959 kum in Molvom Nagaland a Kuki National Christian Council (KNCC) ana kiphutdoh in, Constitution masapen jong suhdetna ana um in, August 26-27, 1959 in Kuki Christian Council

tin ahung kikheldoh tan ahi. Pao khat tho jouse (Manipur, Nagaland, Assam le Burma gam a) Bible, Labu, lathahbu, Sunday School simmun le lekhabu dang dang (Literature) kigopkhom a khonung jongleh dinmun khat a dindoh theina ding bidoi neipum a ana kiboldoh ahi.

5. Pu Tongkhojang Lunkim le Pu Khupjapao Singson chu Kuki Christian Council (KCC) a President le Secretary maspen anahilhon e.

6. March 16, 1958 nikho a Tujangvaichong mun a Kuki Baptist Convention kiphudoh nikho a Assembly a Lamkaiho chu. 1. Pu Lalkhokhup Misao (Chairman), 2. Pu Lhuntong Touthang (Recording Secretary), 3. Pu Tongkhojang (Protem President), 4. Pu Mangkho Thomsong (Protem Secretary)

7. KBA, Manipur kiphudoh jouva Director masapen chu Pu Mangkho Thomsong ahi.

8. Pu M. Haokhothong chun 1979 a kipat in Pension changei in CBCNEI a Treasurer na anatong in Kuki Christian-ho lah a CBCNEI na gatong masapen ahi.

9. Rev. Sumkholen Serto chun CBCNEI a Youth Secretray ana tuh in Kuki Christian-ho lah a chun CBCNEI Youth Secretary tuh masa pen ahi.

10. Rev.Dr Dongkhothang Singson chu Kuki Christian-ho lah a Serampore College a Professor masa pen ahi.

## LHAGAO HINKHO PUI HING THEI THUGOLHO

01. Nang in thil na hetthem tengleh thil ijakai hi nang dou-na a soh hilouva nang dinga soh ahidan na hin hetdoh ding ahi.

02. Mipi lah a na um tengleh boi lleh jong lechun koima na hetsah pon, kipah hih jong lechun akipah bang in na um thei in, nei hih jonglechun anei bang in na um jing thei in ahi. Ahinlah na chang she'a na um tengleh, nang hinkho adihtaupa chu ahung um doh ji tan ahi. Hiche

hinkho chu na dinmun dihtah ahi.

03. Midanghon na mailam hinkho ding ahin sei uva na lhun lel sang in nang ma tah in na lhunna ding mun kilhen in lang lam jot in che jing in.
04. Ganhingho injong hinna ding in thil angaicha uvin chule amahon adap le asat jong ahethei uvin, chule vannoi ding'a thilphachom jong apedoh thei uvin ahi. Na lhagao hinkkhoa vannoi ding'a thil phachom ipi na pehdoh um tam?
05. Ganhing in thingnalouna bol thei thei abol theipon, thingna louna jong chutobangma chu ahi. Ahinlah anigel lhon'a boltheina nei cheh ahilhon'e. Nang jong thil jouse na bol theipon, ahinlah midang bolthei lou jong na bol thei tamtah na neiye, hichu Pathen thilpeh ahi.
06. Mi tamtah in hinkhoa hin nato hahsa jong um da henlang, boina jong umdahen lang gentheina jong um da leh akitin ahi. Ahinlah na hinkhoa boina imacha na nei lou leh boina ahung lhun tengleh na poh joulou ding ahitai.
07. Boina nato hho hi na hinkho semtu ana hi, na lhagao hin sukhang ahiji, na inchen semdoh hung hithei ahi, lekha na hin simdohsah hithei ahi. Nana boinahole nana gentheinahochun na na suhhat uva tunia hichan gei nahibouve.
08. Walk Clock akipei dungjuiya hinkho thah na nei ding ahipon, na lunggel na kisuhdih toh lhonna hinkho thah na nei ding ahi. Calander in hinkho thah na hinpeh ding ahipon, na lung heina chun ahinpeh ding ahi. Hiche kum in chondan thah na hinpeh ding ahipon, na chondan in kum hoi na hinmusah ding ahi.
09. Hinkho thah le chondan thah kitiho hi lunggel thah le lhagao-va kismethahna akon hungdoh ahibouvin ahi..
10. Na nato hna mun a mi tamtah in na hin phunkhum ding'u ahi, na hin seiset ding'u ahi, na hin chaideh ding'u ahi. Ahinlah thil ijakai hi eima ding'a hung umji ahijeh in ana kisuhat inlang na mailam'a ana kalsong jing in.



## KIPAPINA THUPHONHO

**1. LYDIA GIRLS BOARDING** a kon COHSEM conduct nanoi a exam anape naote ho nabon chaova na lolhin u thu kajah chu kakipah in Pathen ka thangvah e. Chule muntin a houbung mite jouse taona jal ahijeh in kipa-thu kahin phonge. Keidia jong taona, lungthim le tha seng a student ka-boipi nunung pen anahiovin abonchaova 1st Division a lolhing soh keikit ahijallun Pathen kom a kipathu esei uva amaban uva dia jong itaopeh deo deina a kahin tahlng ahi. ~Ms Vahboi Baite

Tuni 18-7-2020 9:00 am in G. Khonom B/church KBC No. 11 Houbung lamkai hon Lydia Resources Centre mun ahung vil un Pathen thu a til khou nale taopeh na jong anei un, kipa thil peh in anchang theng bag khat, gutui, mai, maiche, anphur, tamtah ahin pu vin ahi. Gambih No. 11 Pastor, Rev. P. P. Haokip in LRC mun a um ho taopeh nan achai in ahi.

Nilhah lang pung 2:00 Gambih No. 16 lamkai holeh Pastor pan LRC mun vilna ahung nei jun, Gambih min in ₹1000 apeuvin ahi. Gambih chairman pan tilkhon na anei jin, Gambih pastor pan pathen thu a tilkhon nale taopeh na anei jin, Gambih pastornu NI. Nengkhovei in ₹500 ape in ahi. ~ Pi Lhingbem Haokip, Warden, LRC

**2. SHALOM THEOLOGICAL SEMINARY:** STS a konna kipa thuphon khat chu tuni 21/7/2020 nin KBC Men Dept. Secy. Rev. Tongmang Haokip, Development Co-Ordinator Rev. Onkho Haokip, Men Dept President Pu Lienboi Singsit, Chule Pu Lalsei Chongloi in STS ahung vil uvin ahi. Rev tenin student ho tilkhon na anei lhon in Chule Rev. Tongmang in STS a dingin lungmon umtah taona jong eiman peh uvin ahi.

Hitobang ngailut vilna eihung nei u hi STS community adingin kipa umtah ahi na banna Convention lamkai hon nei ngailut Nao le nei to sot nao photchen na khat jong ahi ajeh in kipa thu sangtah in ahung kisei e. ~Rev. Dr. Paokhohao Haokip, Principal Shalom Theological Seminary

**3. PAOLENLAL KIPGEN:** Tunin Rev. Seiboi Tuboi, Youth Secretary, KBC le Pastor Gogou Haokip, Medical Chaplain in Gangpijang vangkho a um Paolenlal Kipgen chu KBC Youth Department min in kipapina le taopeh-na ganeilhon.

Paolenlal Kipgen S/O Pa Seigin Kipgen hi Tuchung a Meghalaya Board of Secondary Education (MBOSE) Arts top 4 a lolhinna ahin nei naban a, Political science subject a jong toppe ahinmun, chubanna subject (Education, English, Alternative Ebglish, History, Economics) ho jousea distinction ahin musoh kei in ahi. Hitobang lolhinna sangtah ahinmu nachung a ikipapiuvin, maban a jong lholhina jatchom chom in Youth te eijui jing taohen. ~ Rev. Seiboi Tuboi, Youth Secretary KBC

**4. CHASSAD ANTHAH LOP:** Chassad Khosung miten vangsetna Nisim 16th Lhaka, 2020 (Sempatni) nia ana kitona ah, loulho lampang ana boitan, tukum Anthah lop kibol lou ding hitam tia akilung kham lai tah in, Chassad khopi kom a Eimi kho Pihang vangkho aum, Pu Jamlet Haokip, Gambih No.17 Treasurer le a Insung miten, KBC Centre Church Chassad Anthah lop na a dingin, Kolbu pai 550 ahin toh doh, hiche chung vum ah jong, Kolbu phabep eikichoh sah kit un, Chassad Houbung mite jouse in, Pu Jamlet Haokip le a Insung mite jouse chungah kipa thu ahung kiphong in. KBC Houbung kikah a kingailutna mitmu theiya aum hi, Pathen thangvah lou thei akihipoi.

~Pu Thangbem Touthang, Church Secretary.

## MEDICAL PENSION ANA CHETA Pastor Limminthang Zou



Pastor Limminthang Zou, Pastor KBC No. 6, tahsa Damlou jeh in July 20, 2020 nikho in KBC Chapel Hall mun'ah Pension Board lamkaina le Office Secretary jouse le Staff jouse jaona in Medical Pension anachetan ahi. Ama tahsa tah ahung thei lou jeh in Apa neoteho leh insung mite ahungun ahi. Ama thakhel in a-inneipi Kimboi Zou in ama khellin ngailut thilpehho alan chule houlimna gil tah jong ana seiyin ahi. Pastor Limminthang Zou hi KBC thusim'a Medical Pension che masa pen ahitai. Pathen in damtheina le hintheina pe jing taken!

## Obituary



Vangset umtah'a Thanglal Doungel, Chairman, KBC No. 2 in July 14, 2020 nikho in eina molem san tauvin ahi. Pathen in adalhah insung mite lungmonna pe tauhen!



Men Department Council KBC Office mun a ana um



Youth Department Council toukhomna KBC Office mun a ana um

**KBC Gambih phabep a tahsan  
tulut ana neiho phabep lim lah**



Gambih No. 21



GAMBIH 7 TINGKAI

GAMBIH 7



Gambih No. 15

Gambih No. 15



Post Regd. MNP/81  
Regd No. 18134/88



KBC Events "KUMKIM AUDIT" Office Chapel hall  
mun a boina umlouvin ana chelha tai.



KBC Missionary/Evangelist hon Elizah Prayer Mount a thingkeh tuna aneinau

If undelivered, please return to  
**The Editor. KBC Thuso**  
KUKI BAPTIST CONVENTION  
Opp. DM College, Imphal - 795 001  
Contact: 9862633173